

## BE.64. NAUNG MORU DO MUSE SATAON (F=1)

---

BE.No. 64. NAUNG MORU DO MUSE SATAON

1. Naung moru do muse sataon huhut lam suda bohalhi  
beha do au na sai laon ture do pangalahongki  
lam ganda haporseaonku nang holong ni rohangku pe  
di Jesus dohot Debatangku nang di donganku sasude

2. Aut alusanku Debatangku ra tung maila au disi  
marningot salpu ni rohangku ro di sude ulaonki  
Ai dosa do binaen ni tangan Gok dosa nang rohangku pe  
Nang pat nang mata Nang pamangan Luhut marsala do hape

3. Aut nunga mate au nuaning Di dia tondingki tahe ?  
Di hasongan do ulaning Rap dohot na badia i ?  
Mamuji Debata do ahu Dibaen asi rohaNa i  
Manang na hona uhun ahu Di api na so mintop i ?

4. Ndang dapot bilanganku dosa Naung huulahon nasailaoon  
Huhut ndang harajuman basa ni Tuhan Jesus nasailaoon  
Ndang dibaloshon Ho, Tuhanku Tu au hombar tu dosangki  
Sai dipalambas Ho rohaMu Marnida pangalahongki

5. Dibahen i antong hupuji Dengan basaM sadari on  
Ai pineakkon rujiruji I do na dapot sai tongtong  
O Jesus na marholong roha Ingkon hupuji goarMi  
Dibaen saluhut dengan basa Tu ahu pinasahatMi

6. Antong asi rohaM dongani Ma au tongtong tu jolo on  
Pasahat ma au musengani Tu surgo dung tos hosangkon  
Na olo do au mangihuthon HataM asal mangolu au  
Naeng las rohangku pararathon BaritaMi lam tu na dao.